



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. VI. Respondeatur argumentis adversæ sententiæ,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

DE SCIENTIA FUTVRORVM CONTINGENTIVM. 241

natum Deo in agendo, & ab eo essentialiter dependens, non potest esse vel conceipi ut agens, & ut exercens aliquam causalitatem circa alias res creatas, in eo signo rationis, in quo Deus non est, nec concepit, ut liberè agens; alioquin talè agens creatum, esset & conciperetur ut prima causa, & primum principium talis effectus: Ergo futurito non potest competere rebus ante decretum, ex efficientia seu causalitate alicujus agentis creati.

126. Ultima denique ratio, quam etiam suprà attigimus, & quam egregie prosequitur Sanctus Thomas lect. 13. super cap. 8. Periherm. fundatur in eo quod omne quod est verum & futurum pro omni signo imaginabili, est tale necessariò, & ex natura rei, & non liberè seu contingenter. Ut enim ibidem cum Aristotele discurrit S. Doctor: *Si semper ponitur aliquid esse præsens, vel futurum, non potest non esse quin illud sit præsens, vel futurum: sed quod non potest non esse, idem significat ac quod est impossibile non esse: quod autem est impossibile non esse, necessariò est esse.* At juxta principia Adversariorum, veritas objectiva, & determinata futurito, convenit contingentibus pro semper, & pro omni signo rationis imaginabili: Ergo convenient illis necessariò, & ex natura rei, non verò liberè & contingenter. Minor constat ex suprà dictis, nam juxta principia Adversariorum, veritas objectiva, ac proinde determinata futurito, convenient rebus contingentibus, ex natura & vi oppositionis contradictoriæ, quæ habet vim in omni signo imaginabili, cùm contradicatio fundetur in illo primo principio, *Quodlibet est vel non est, quod est verum pro omni instanti, & signo rationis excogitabili:* Ergo &c.

§. V.

Duo corollaria praecedentis doctrine.

127. EX dictis in primis habetur, Adversarios qui se libertatis patronos & vindicantes profitentur, reipsa esse ejus destructores, ac peremptores; eamque in suo primo principio, primaque veluti radice, extingue ac præfocare; in eo scilicet quod docent, contingentia habere veritatem objectivam, & futurionem determinatam ante decretum, & determinationem voluntatis divinæ, quæ (ut ostendimus) est primum principium, & prima veluti radix totius libertatis & contingentiae in rebus creatis. Quare D. Thomas, ut conciliat libertatem & contingentiam rerum cum divinis decretis, semper recurrat ad efficaciam voluntatis divinæ, attingentis non solum substantiam, sed etiam modum libertatis in nostris operationibus: ut videri potest 1. parte quæst. 19. art. 8. quæst. 22. art. 4. quæst. 23. art. 6. 1. 2. quæst. 10. art. 4. ad 1. in 2. ad Annibaldum dist. 44. quæst. 1. art. 4. ad 4. 1. Periherm. lect. 14. ubi sic loquitur. *Voluntas divina est intelligenda ut extra ordinem entium existens, velut causa quadam profundens totum ens, & omnes eius differentias.* (Quam pulchra confidatio ad habendam divinam magnitudinem ubique præsentem!) *Sunt autem differentias entis, possibile, & necessarium, & ideo ex ipsa voluntate divina originantur necessitas & contingencia in rebus &c.* Idem habet 6. Metaph. lect. 3. ubi etiam videndum est.

128. Habet secundò, futura contingentia absoluta, vel conditionata, in propositionibus contradictoriis.

Tom. I.

A Etiorē oppositis, seu in vi, & lege contradictionis, non posse certò & determinatè à Deo cognosci, antecedenter ad decretum, vt docent Recentiores. Ut enim ostendimus, vis contradictionis non magis petit veritatem unius partis determinatæ, v. g. affirmativæ, quam alterius, scilicet negativæ; sed tantum exposcit quod illæ sint incompossibilis in veritate, vel falsitate: At in medio indifferenti non potest sciri aliquid determinatum, ut constat ex suprà dictis contra Molinam: Ergo in propositionibus contradictioniæ, ex vi contradictionis, non possunt futura contingentia, ut determinatè vera, vel ut determinatè falsa, cognosci.

B §. VI.

Respondetur argumentis adversæ sententiae.

A Rgumenta Adversariorum in hac materia, **129.** valde frigida ac iejuna sunt; ex dictis enim satis appareat, quam sit infirmum ac imbecille fundamentum, quod ex vi contradictionis desumunt, ita argumentantes. Vis contradictionis exigit, ut una ex contradictionijs sit determinatè vera, & altera determinatè falsa: At ista propositiones, si vocavero Petrum in tali occasione, consentier. Et si vocavero Petrum in tali occasione, non consentier: sunt contradictioniæ, pro priori ad decretum divinum: Ergo pro priori ad decretum, una illarum est determinatè vera, & altera determinatè falsa; & consequenter Deus propter sic illas cognoscit, ante decretum voluntatis suæ.

Confirmante hoc argumentum, ex eo quod propositio disiunctiva, constans ex illis contradictionijs, est vera, pro priori ad decretum, determinatè veritate: At veritas disiunctiva, ex veritate alicujus partis desumitur, & consequenter determinata illius veritas, ex determinata veritate alicujus partis dependet: Ergo aliqua pars predictæ disiunctiva, debet esse determinatè vera, pro illo priori ad decretum divinum; & consequenter poterit à divino intellectu, pro illo priori, ut determinatè vera cognosci.

Ad hoc argumentum, quidam ex nostris respondent, concessa Majori, negando Minorem; scilicet quod pro priori ad decretum, illæ propositiones sint contradictioniæ: nam pro illo priori, non sunt propositiones, cùm Deus pro illo priori, nihil de futuritione, aut non futuritione concipiat, & propositio significare non possit, nisi mediante cōceptu: unde haec voces, *homo est animal*, prolatæ à plittaco, non sunt propositiones, quia proferens illas, nihil de re concipit: cùm autem ad contradictionem necessariò debeat supponi essentia propositionis, consequens sit, quod inter illas, pro priori ad decretum, non sit contradictionis.

Hanc solutionem & probo, & laudo, aliter tam argumento respondeo, nempe distinguendo Majorem: Vis & natura contradictionis exigit, ut una ex contradictionijs sit determinatè vera, & altera determinatè falsa: pro omni instanti reali, concedo Majorem: pro omni priori naturæ, nego Majorem, & concessa Minor, nego Consequentiam; & insto in signo possibilitatis, & in signo antecedenti; nempe prædicatorum quæ Deo necessariò convenient, in quibus nulla ex istis propositionibus potest esse vera aut falsa determinatè, & tamen potest idem argumentum pro illis signis formari. Insto etiam in propositionibus de præsen-

H h ij

DISPUTATIO QVARTA

242

ti: hæc namque propositio, voluntas diligit, contradictoriè opponitur isti, voluntas non diligit; & tamen licet una sit vera, & altera falsa determinatè, pro instanti reali, neutra determinatè est vera, aut falsa, pro priori naturæ, pro quo in eodem instanti reali, voluntas ut indifferens, per modum actus primi præcedit.

133.

Tertio responderi potest, quod vis & natura contradictionis, exigit ut una ex contradictorijs, sit determinate vera, & altera falsa: una determinatè formaliter, concedo: una determinatè materialiter, nego. Sensus distinctionis est, ex contradictione provenire, quod de facto utraque propositio nunquam sit vera, vel utraque falsa, sed quod si una sit vera, altera debeat esse falsa: quod verò hæc materialiter, & in individuo sit vera, determinatè præ alia, hoc non provenit ex contradictione, sed vel ex materia, ut in propositionibus necessarijs, vel ex determinatione præstantialitatis, aut præteritionis, ut in propositionibus de præsenti, & præterito; aut ex determinatione caufarum, ut in propositionibus de futuro contingent: unde antecedenter ad decretum, quod est determinatio caufæ primæ, nulla potest esse determinatè vera, vel falsa; sed una tantum indeterminatè, & sub disunctione, eo ferè modo, quod alter oculus dicitur necessarius ad videndum, ut exposuimus §. 1. annotatione tertia. Ex quo patet responsio ad confirmationem, dicendum enim est, quod sicut disunctiva est necessaria, si constet ex partibus incompossibilibus, licet neutra earum sit necessaria, ut patet in hac, *Petrus est albus, vel non albus*; ita tota disunctiva potest esse determinatè vera, etiamsi nulla pars sit determinatè vera; quia ad necessitatem, aut veritatem determinatam disunctivæ, sufficit incompossibilitas partium, secundum veritatem aut falsitatem.

134.

Obijcies secundò: Illa propositio est determinatè vera, qua est conformis suo objecto: Sed hæc propositio, *Antichristus erit*, etiam pro priori ad decretum, est conformis suo objecto: Ergo est determinatè vera. Major patet, Minor probatur. Tunc propositio est conformis objecto, quando illud ita se habet, ut per eam enunciatur: Sed objectum hujus propositionis, *Antichristus erit*, ita se habet ut enunciatur per illam; cum reverè Antichristus sit habiturus existentiam in aliqua differentia temporis, ut est certum de fide, & in scriptura revelatum: Ergo hæc propositio, etiam pro priori ad decretum, est conformis suo objecto.

135.

Confirmatur: Illa propositio de futuro est determinatè vera, qua aliquando habebit suam de præsenti, seu de inesse veram: veritas enim propositionis de futuro, per suam de inesse, seu de præsenti regulari & cognosci deber: Sed hæc propositio, *Antichristus erit*, habebit aliquando suam de inesse veram; aliquando enim verum erit dicere, *Antichristus nunc est*, ut est certum de fide: Ergo est determinatè vera.

136.

Confirmatur amplius: Objectum hujus propositionis, *Antichristus erit*, non est determinatio caufæ primæ (alioquin non esset de futuro, sed de præsenti, sed existentia ipsius Antichristi, habenda pro tempore: Ergo quamvis causa prima, in signo antecedenter decretum, non sit determinata ad producendum Antichristum, hoc tamen non obstat, quin talis propositio, pro illo priori, sit determinatè vera).

137.

Ad objectioem respondeo, concessa Majo-

A ri, negando Minorem: ad cuius probationem, distinguo Majorem. Tunc propositio est conformis objecto, quando ita se habet, ut per eam enunciatur: si hoc habeat ex vi illius signi, in quo enunciatur, sive ex vi dispositioonis facta in tali signo, concedo. Si hoc habeat ex vi alterius signi, sive ex vi dispositioonis facta in alio signo subsequenti, nego. Quod autem Antichristus sit habiturus existentiam, pro aliqua differentia temporis, hoc non provenit, ex vi dispositioonis facta in signo antecedenter decreatum; sed ex vi ipsius decreti, quo voluntas divina se determinavit ab aeterno ad producendum aliquando Antichristum; & quia tale decretum & determinatio caufæ prima, in Scriptura revelatur, ideo hæc propositio *Antichristus erit*, modo non solùm est determinatè vera, sed etiam certa de fide.

Ad confirmationem similiter respondeo, 138. concessa Majori, distinguendo Minorem: Hæc propositio, *Antichristus erit*, formata pro priori ad divinum decretum, habebit aliquando suam de inesse veram, ex vitalis prioris, & dispositioonis in eo facta, nego Minorem. Ex vi signi posterioris, & divini decreti determinantis aliquando producere Antichristum, concedo Minorem, & eodem modo distinguo Consequens.

Ad secundam confirmationem, dicendum est 139. C objectum propositionis de futuro contingent, neque esse solam determinationem caufæ, neque solam existentiam rei, ut habendam pro tempore futuro; sed existentiam rei, ut habendam ex vi præsentis determinationis caufæ: unde quamvis decretum, & determinatio caufæ prime, vel secundæ, non sit objectum harum propositionum, est tamen ejus fundamentum, & prima regula, primaque radix conformitatis quam habent cum illo; eo proportionali modo quod indifferens iudicium rationis est prima regula libere determinationis voluntatis, quamvis non sit objectum ipsius. Unde ut aliqua res in aliquo signo sit, & concipiatur ut futura, non sufficit quod sit aliquando habitura existentiam (hoc enim potest verificari de re possibili, considerata in statu mere possibilis, ut supra dicebamus) sed insuper requiritur, quod sit habitura existentiam, ex vi præsentis determinationis caufæ: quod non potest verificari de Antichristo, pro priori ad divinum decretum, cum pro tali signo divina voluntas sit omnino indifferens, & indeterminata ad ejus productionem.

140. Dices, Sequitur ex hac response, omnem propositionem affirmativam de futuro contingent, esse falsam, pro priori ad decretum, & negativam, ejus contradictoriam, veram. Probatur sequela, quantum ad primam partem, quia propositionis affirmativæ falsitas, consistit in hoc, quod aliquid affirmet aliter ac est: At dicta propositio affirmat aliquid pro illo priori, aliter ac est, enunciat enim rem esse futuram, qua reverè pro illo priori non est futura: Ergo est falsa. Ex quo probata manet secunda pars sequela, nam id quod sufficit ad falsitatem affirmativæ, sufficit etiam ad veritatem negativæ contradictionis, ut patet.

141. Respondeo distinguendo Minorem: Affirmat aliquid quod pro illo priori non est, ly non est, accepto præcisivè, id est quod pro illo priori, non intelligatur esse, concedo Minorem. Accepto repugnante, & contrariè, nego Minorem, & Consequentiam. Quia ut falsa

DE SCIENTIA FUTVRORVM CONTINGENTIVM. 243

Esset hæc propositio, necessarium erat, quod affirmaret aliquid, quod pro illo priori non esset, contrariæ, aut repugnante: id est, quod haberet aliquid ex vi illius prioris, repugnans futurioni quam affirmat.

Hæc solutio potest hoc exemplo elucidari. Quando aliquis considerando hominem secundum se, & sua prædicta essentialia, dicit, *Homo non est albus*, tunc ly *non albus*, potest duplicitate sumi; primum repugnante, & contrarie; & in hoc sensu, propositio est falsa, quia significat albedinem homini repugnare: secundo, merè præcisivè, & sic talis propositio est vera, significat enim, hominem non esse essentialiter album, & naturam humanam esse de se indifferentem ad albedinem, vel non albedinem. Ita similiter, quando dicitur, Antichristus pro priori ad decretum non est futurus, ly *non futurus*, potest sumi repugnante & contrarie, & denotare futurionem Antichristo repugnare; & in hoc sensu, hæc propositio est falsa, nec est in materia contingentia, sed impossibili: impossibile enim est, futurionem Antichristo repugnare. Secundo ly *non futurus*, potest sumi purè præcisivè, prout significat Antichristum, ex vi signi antecedentis decretu, esse indifferentem ad futurionem, vel non futurionem, & ab utraque præscindere; & sic propositio est verissima, sed non est in materia contingentia, sed necessarium; cum necessariū sit, ante decretum, & determinationem voluntatis divinae, res omnes esse in statu merae possibilis, & indifferentes ad futurionem vel non futurionem. Aliam hujus instantiae solutionem dabimus in Tractatu de Angelis.

Diss.
7. art.
4. §. 3.
142. Objicies ultimo: Veritas & falsitas sunt proprietates propositionis, ut docent Philosophi in Logica: At determinatae essentialia convenire debent determinatae proprietates, in omni signo imaginabili: Ergo veritas & falsitas debent convenire propositionibus de futuro contingentia, in omni signo imaginabili, subinde que in signo rationis antecedenti divinum decretu.

Respondeo primò hoc argumentum nimis probare, quia ex illo sequitur, propositiones de futuro contingentia esse determinatae veras aut falsas, ac proinde illarum objectum determinatae futurum, vel non futurum, non solum pro priori ad decretum, sed etiam pro signo possibilis rerum; cum pro tali signo, & quocunque alio imaginabili, proprietates debeant convenire essentialia.

143. Respondeo secundò distinguendo Majorem. Veritas & falsitas sunt proprietates propositionis, formalis, concedo: materialis, nego. Propositiones autem de futuro contingentia, pro priori ad divinum decretu, non sunt formaliter propositiones, sed tantum materialiter, ut supra annotavimus.

Respondeo tertio distinguendo Majorem: Veritas & falsitas sunt proprietates propositionis, proprietates respectiva, concedo; absolute, nego. Similiter distinguo Minorem: Determinatae essentialia convenire debent determinatae proprietates, si sint absolute, concedo; si sint respectiva, nego.

Explicatur: Sicut æqualitas vel inæqualitas sunt proprietates quantitatis, non absolute, sed respectiva: quia una quantitas dicitur æqualis per ordinem ad alteram cui commensuratur,

A & inæqualis per ordinem ad aliam quam excedit, vel à qua exceditur. Ita similiter veritas & falsitas sunt proprietates propositionis, non absolute, sed respectiva; quia sumuntur per ordinem ad objectum, & ex conformitate, vel diffinitate quam habet ad illud: unde sicut si daretur una tantum quantitas, neque esset æqualis, neque inæqualis, sed indifferens ad utrumque: ita si detur aliquid signum rationis, in quo objectum propositionis de futuro contingentia, non sit determinatae futurum vel non futurum; illa etiam, in tali signo, non erit determinatae vera vel falsa, sed non vera & non falsa, id est indifferens ad veritatem & falsitatem.

ARTICVLVS V.

Vera sententia stabilitur, & medium in quo Deus futura contingentia cognoscit, explicatur.

Sapienter monet Ecclesiastes, omnia tempus habere, & tempus esse plantandi, tempus evellendi; tempus destruendi, & tempus ædificandi. Articulis precedentibus, falsas Recentiorum sententias confutavimus. nunc tempus est, ut veram D. Thomæ & Discipulorum eius sententiam stabilianus, & medium in quo Deus futura contingentia certò & infallibiliter cognoscit, breviter declaremus. Hic solum agemus de futuris absolutis, de conditionatis vero dicemus disputatione sequenti.

§. I.

Præsentiam futurorum fundari in decreto, seu predefinitione voluntatis divinae, SS. Patrum testimonii ostenditur.

Dico igitur: Deum cognoscere certò & infallibiliter futura contingentia absoluta, in decreto & prædefinitione suæ voluntatis, sive potius in essentialia & omnipotencia divina, ut per tale decretum determinata.

Probatur primò ex Dionysio, & alijs SS. Patribus suprà citatis, qui aperte docent Deum omnia in sua essentialia tanquam in causa cognoscere: Sed *Diss.* 2. art. 6. *essentia divina non est causa futurionis rerum, &* nisi ut determinata per liberum divinæ voluntatis decretu; cum Deus non agat ex necessitate naturæ, sed ex beneplacito suæ voluntatis: Ergo omnia futura Deus cognoscit in suo decreto.

Probatur secundò ex Hilario 9. de Trinit. sic dicente: Sed *Quæ Deus facere decretit, in sua voluntate cognovit:* Sed Deus, cum non sit agens naturale, sed liberum, decretit ab æterno facere universa quæ in tempore operatur, etiam futura contingentia & libera, juxta illud Apostoli ad Ephesios 1. *Operatur omnia secundum consilium voluntatis sue:* Ergo Deus in decreto suæ voluntatis, futura contingentia & libera cognoscit.

Probatur tertio ex Augustino libro de prædestinatione Sanctorum cap. 10. ubi certam de futuris & promissis notitiam repetit à prædestinatione & decreto Dei, ait enim: *Prædestinatione Deus ea præcisivit que fuerat ipse facturus.* Et ibi agens de promissione facta Abraham, Patrem multarum gentium esse constitendum, post multa hæc adiungit: *Credidit Abraham de gloriā Deo, quenam quæ promisit, pos-*